

ИОАНН БОГА О НАС



По вере вашей да будет вам



**СВЯТЫЕ
УГОДНИКИ БОЖИИ,
ХОДАТАИ ЗА НАС
ПРЕД БОГОМ**

ВЕЛИКОМУЧЕНИК И ЦЕЛИТЕЛЬ ПАНТЕЛЕИМОН

27 июля / 9 августа

Ему молятся об исцелении от глазной болезни, об исцелении от головной боли, от разных недугов и болезней вообще.

МОЛИТВА

О великий угодниче Христов, страстотерпче и врачу много-милостивый Пантелеимоне! Умилосердися надо мною, грешным рабом, услыши стенание и вопль мой, умилостиви Небеснаго, Верховнаго Врача душ и телес наших, Христа Бога нашего, да дарует ми исцеление от недуга, мя гнетущаго. Приими недостойное моление грешнейшаго паче всех чело-

век. Посети мя благодатным посещением. Не возгнушайся греховных язв моих, помажи их елеем милости твоея и исцели мя; да здоров сый душею и телом, остаток дней моих, благодатию Божиею, возмогу провести в покаянии и угождении Богу и сподоблюся восприятьи благий конец жития моего. Ей, угодниче Божий! Умоли Христа Бога, да предстательством твоим дарует здравие телу моему и спасение души моей. Аминь.

Святитель Николай, архиепископ Мирликийский, чудотворец

6 / 19 декабря и 9 / 22 мая

Ему молятся об исцелении глазных
болезней, об исцелении от разных
недугов и болезней.

Молитва

О всесвятый Николае, угодни-
че преизрядный Господень, теп-
лый наш заступниче, и везде
в скорбех скорый помощниче!
Помози мне грешному и уныло-
му в настоящем сем житии,
умоли Господа Бога даровати
ми оставление всех моих гре-
хов, елико согреших от юности
моея, во всем житии моем, де-
лом, словом, помышлением

и всеми моими чувствами; и во исходе души моея помози ми окаянному, умоли Господа Бога, всея твари Содетеля, избавити мя воздушных мытарств и вечного мучения: да всегда прославляю Отца и Сына и Святаго Духа, и твое милостивное предстательство, ныне и присно и во веки веков. Аминь.

Великомученица Екатерина

24 ноября / 7 декабря

Ей молятся при трудных родах, о хороших женихах, о просвещении разума к изучению духовной грамоты.

Молитва

О святая Екатерино, дево и мученице, истинная Христова невесто! Молим тя, чрез особ-

ливую благодать, еюже предвари-
тя Жених твой, Сладчайший
Иисус, якоже посрамивши пре-
лести мучителя, мудростию
твоею пятьдесят витий победи-
ла еси, и напоивши их не-
бесным учением, к свету истин-
ных веры наставила еси: тако
испроси и нам оную Божию
мудрость, да и мы, расторг-
нувши вся козни адскаго
мучителя и презревше мира
и плоти соблазны, достойны
явимся Божественныя славы,
и к разширению святых наша
православных веры сосуды
достойны соделаемся, и с то-
бою в Небесней скинии Господа
и Владыку нашего Иисуса
Христа, со Отцем и Святым

Духом, восхвалим и прославим
во вся веки. Аминь.

Преподобный Сергей, Радонежский чудотворец

25 сентября / 8 октября и 5 / 18 июля
Ему молятся о помощи в учении и об
избавлении от гордости.

Молитва

О священная главо, преподобне и богоносне отче наш Сергие, молитвою твоею, и верою и любовью, яже к Богу, и чистотою сердца, еще на земли во обитель Пресвятыя Троицы душу твою устроивый, и ангельскаго общения и Пресвятыя Богородицы посещения сподобивыйся, и дар чудодейственных благодати при-

емый, по отшествии же твоём от земных наипаче к Богу приближивыйся и Небесныя силы приобщивыйся, но и от нас духом любви твоея не отступивый, и честныя твоя мощи, яко сосуд благодати полный и преизливающийся, нам оставивый! Велие имея дерзновение ко Всемилостивому Владыце, моли спасти рабы Его, сущей в тебе благодати Его, верующия и к тебе любовью притекающия. Испроси нам от Великодаровитаго Бога нашего всякий дар, всем и коемуждо благопотребен: веры непорочны соблюдение, градов наших утверждение, мира умирение, от глада и пагубы избавление, от нашествия иноплемennых

сохранение, скорбящим утешение, недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в делах благих преспеяние и благословение, младенцем воспитание, юным наставление, неведущим вразумление, сиротам и вдовицам заступление, отходящим от сего временного жития к вечному благое уготовление и напутствие, отшедшим блаженное упокоение, и вся ны споспешествующими твоими молитвами сподоби в день Страшного Суда шуия части избавитися, десныя же страны общники быти и блаженный оный глас Владыки

Христа услышати: «Приидите, благословеннии Отца Моего, наследуйте уготованное вам Царствие от сложения мира». Аминь.

Преподобный Моисей Мурин

28 августа / 10 сентября
Ему молятся об избавлении
от страсти к вину.

**Молитва святому
преподобному Моисею Мурину
об исцелении от страсти
чрезмерного и пагубного
винопития**

О, великая сила покаяния! О, неизмеримая глубина милосердия Божия! Ты, преподобне Моисее, был еси прежде раз-

бойник, но потом, ужаснувшись своих грехов, возскорбел еси о них и в раскаянии пришел еси в монастырь, и тамо в великом плаче о своих бывших беззаконных и в трудных подвизех поста и молитвы проводил еси дни своя до кончины, удостоився Христовы благодати прощения и дара чудотворения. О преподобне, ты от тяжких грехов достигл еси пречудных добродетелей! Помози и молящимся тебе рабом Божиим (имя рек), влекомым в погибель от безмернаго вина употребления, повреждающаго бессмертную душу и тело, храм Духа Святаго. Склони на них свой милостивый взор и не презри их, но

внемли им, прибегающим к тебе. Моли, святе Моисее, Владыку Христа, да Он, Милосердый, не отвергнет их, бессильных и несчастных, имиже овладесть страсть чрезмернаго винопития, и не возрадуется диавол их погибели, яко вси мы, создания Божии, искуплены Пречистою Кровию Сына Его. Услыши же, преподобне Моисее, молитву их и нашу. Отгони от них диавола, даруй им силу победити их страсть, приведи их на путь добра, свободи от рабства страstem, избави от пагубы безмернаго винопития, да обновлении, в духовнем трезвении и светлем уме, возлюбят всяческое воздержание и благочестие

и вечно прославляют спасающего всегда создания Своя Всеблагаго Бога, Ему же подобает слава, честь и поклонение, во веки веков. Аминь.

Преподобный Серафим, Саровский чудотворец

2 / 15 января и 19 июля / 1 августа
Ему молятся об исцелении болей ног,
об исцелении чревных болезней,
об исцелении от беснования,
об исцелении от болей в пояснице,
и вообще об исцелении всевозможных
болезней.

Молитва

О пречудный отче Серафиме,
великий Саровский чудотворче,
всем прибегающим к тебе скоро-
ропослушный помощниче! Во

дни земнаго жития твоего никтоже от тебе тощ и неутешен отыде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилен в тебе явился. Егда же призва тя Бог от земных трудов к Небесному упокоению, николиже любви твоя преста от нас, и невозможно есть исчислити чудеса твоя, умножившаяся, яко звезды небесныя; се бо по всем концем земли нашае людем Божиим являешия и даруеши им исцеления. Темже и мы вопием ти: о претихий и кроткий угодниче Божий, дерзновенный к Нему молит-

венниче, николиже призываю-
щия тя отрваяй! Вознеси о нас
благомощную твою молитву ко
Господу сил, да дарует нам вся
благопотребная в жизни сей
и вся к душевному спасению по-
лезная, да оградит нас от паде-
ний греховных и истинному
покаянию да научит нас, во еже
безпреткновенно внити нам
в вечное Небесное Царство,
идеже ты ныне в незаходимей
сияеши славе, и тамо воспевати
со всеми святыми Живоначалъ-
ную Троицу во веки веков.
Аминь.

Просите, и дано будет вам;
ищите, и найдете;
стучите, и отворят вам,
ибо всякий просящий
получает,
и ищущий находит,
и стучащему отворят.

(Лк. 11, 9-10).



**Разрешено к печати
Издательским Советом
Русской Православной Церкви**

коллекция —
ПРАВОСЛАВНЫЙ ЖИЗНЬ

**ООО «Гелио шаттл»
117279, Москва, ул. Профсоюзная, д. 83, к.3
Тел.: (495) 33-33-105; E-mail: info@rospriz.ru
www.helioshuttle.ru**